

## Morning Dogri (NSD) National News Bulletin 05-10-2024

### आकाशवाणी

खबरां नाट्यपाल सिंह कोला ।

1. हरियाणा च विधानसभा चुनाएं लेई मतदान जारी ऐ ।
2. प्रधानमंत्री नरेन्द्र मोदी होर अज्ज महाराष्ट्र च 56 ज्हार करोड़ रुपे दी लागत आली केई विकास परियोजनाएं गी शुरू करगंन ।
3. विदेश मंत्री डा जयशंकर होर इस महीने शंघाई साथ सहयोग संगठन दी बैठक च हिस्सा लैने लेई पाकिस्तान दे दौरे पर जांगन ।
4. भारत नै आतंकवाद खलाफ अंतर्राष्ट्री समझौते गी मतदाताएं दे अपने आहवान गी चेता नुआया ऐ ।
5. भारत दा विदेशी मुद्रा भंडार 7एं हफते च 12.15 बिलियन डॉलरें तोड़ी बधने मगरा 700 बिलियन दे निशान गी पार करी गेआ ऐ ।
6. दुबई च खेड्डे गेदे महिला टी-20 क्रिकेट विश्व कप मैच च न्यूजीलैंड नै भारत गी 58 रंजें कन्नै हराई दित्ता ।

<><><><><><>

### Harayana Elections

हरियाणा च 90 विधानसभा सीटें लेई इक्कै गेड च होआरदे विधानसभा चुनाएं लेई मतदान जारी न । मतदान बडलै 7 बजे शुरू होआ हा ते संजा 6 बजे तोड़ी जारी रौंहगन । 2 करोड़ 3 लख थमां बद्द मतदाता चुनाएं च खेड़ाते दे 1 ज्हार 31 मेदवारें दे चुनावी भविक्ख दा फैसला करगंन । चुनाएं गी सुचारू ढंगै सिर करोआने लेई राज्य भरै च 20 ज्हार 632 मतदान केन्द्र स्थापत कीते गेदे न । राज्य दे मुख चुनां अधिकारी पंकज अग्रवाल होरें आखेआ जे चुनाएं गी रमानदारी ते आजाद ढंगै कन्नै करोआने लेई सब्बै मतदान केन्द्रें च सुरक्षा दे निग्गर इंतजाम कीते गेदे न ते सब्बै मतदान केन्द्रें च वैबकास्ट दी सुविधा बी दित्ती गेदी ऐ ।

<><><><><><><>

## PM-Appeal

प्रधानमंत्री नरेन्द्र मोदी होरें लोकें गी अपील कीती ऐ जे ओह हरियाणा च अज्ज इक्कै गेड़ तैहत होआ करदे असेंबली चुनाएं च रिकार्ड गिनतरी च मतदान करन ते लोकतंत्र दे इस उत्सव दा हिस्सा बनन। सोशल मीडियो दी इक पोस्ट च मोदी होरें राज्य दे ओकड़े सब्बनें युवा मतदाताएं गी शुभकामनां दित्तियां न जेहड़े अज्ज पैहली बारी वोट पाने दे हक्कै दा इस्तेमाल करन जा'रदे न।

<><><><><><><>

## PM-Maharashtra

प्रधानमंत्री नरेन्द्र मोदी होर अज्ज महाराष्ट्र दे इक ध्याड़े दे दौरे पर होंगन। अपने दोरे दरान प्रधानमंत्री होर वाशिम च राईबाई ते पशुपालन सेक्टर कन्नै सरबंधत तकरीबन 23 जहार करोड़ रुपें दिएं बक्ख-बक्ख पैहलकदमिएं गी शुरू करोआंगन। ओह बन्जारा विरासत अजैबघर दा बी उद्घाटन करगंन। मगरा ओह ठाणे च 32 जहार 800 करोड़ रुपे दिएं बक्ख-बक्ख विकास परियोजनाएं दे नीह पत्थर रक्खगंन ते केइएं दा उद्घाटन बी करगंन। वाशिम जिले च मोदी होर प्रधानमंत्री किसान सम्मान निधि योजना दी 18मीं किशत जारी करगंन। इस कार्यक्रम दरान मुख्य भरै दे 9 करोड़ 40 जहार करसानें गी 20 जहार करोड़ रुपें शा मते दा लाह हासल होग। मोदी होर 1 जहार 920 करोड़ रुपें दे कृषि ढांचागत विकास कोष दे तैहत 7 जहार 500 प्रोजेक्ट राष्ट्र गी समर्पित करगंन। मोदी होर मवेशिएं लेई संगठित जिनोम चिप बी जारी करगंन। एहदे अलावा ओह महाराष्ट्र च 19 मैगावाट दी समर्थ आले 5 सोलर पार्क बी राष्ट्र दे नमित लांगन। ठाणे च प्रधानमंत्री होर महत्वपूर्ण मैट्रो ते शिड़क परियोजनाएं दा उद्घाटन ते नीह पत्थर रक्खगंन। ओह बीकेसी थमां आरे जेवीआईआर सेक्शन तगर चलने आली मैट्रो ट्रेन गी बी रवाना करोआंगन।

<><><><><><><>

## Jaishankar-Pakistan

विदेश मंत्री डॉ. एस.जयशंकर होर इस म्हीने शंघाई सैहयोग संगठन एससीओ दी बैठक च हिस्सा लैने लेई पाकिस्तान दे दोरे पर जांगन। विदेश मंत्रालय दे प्रवक्ता रणधीर जैसवाल

होरें कल एहदी तस्दीक करदे होई आखेआ जे विदेश मंत्री होरें 15 ते 16 अक्टूबर गी पाकिस्तान दी राजधानी इस्लामाबाद च लग्गने आले शंघाई सैहयोग संगठन दे शिखर सम्मेलन च शामिल होने जा'रदे भारतीय शिष्टमंडल दी अगुवाई करगंन। अगस्त च पाकिस्तान नै प्रधानमंत्री नरेन्द्र मोदी होरें गी एससीओ दे बैठका च हिस्सा लैने लेई इस्लामाबाद ओने दा साद्दा दित्ता हा। डॉ. जयशंकर हुंदे इस दोरे गी मता महत्वपूर्ण मन्नेआ जा'रदा ऐ की जे भारत आस्सेआ लैता गेदा एह इक बड्डा फैसला ऐ। एहदे शा पैहले दिसम्बर 2015 च उस बेले दियां विदेश मंत्री सुषमा स्वराज होर अफगानिस्तान बारे लोआए गेदे इक सम्मेलन च हिस्सा लेने लेई इस्लामाबाद गेइयां हियां।

<><><><><><><>

## India-UN

भारत नै आतंकवाद खलाफ लगभगत 20 ब'रें पैहले प्रसावित पैहले अंतर्राष्ट्रीय समझोते गी अपने दे आह्वान गी इक बारी फही चेता नुआया ऐ। वीरवारें संयुक्त राष्ट्र महासभा दी कनूनी कमेटी गी संबोधत करदे होई भारत दी संयुक्त राष्ट्र मिशन च लीगर अफसर आर. मिथिली होरें आतंकवादी ग्रुपें दी ताकत च बाद्धे उप्पर चिंता जाहर कीती, जिंदे कोल अपनी समर्थ बधाने लेई ड्रोन जनेई संवेदनशील तकनीक बी ऐ। उनें आतंकवाद खलाफ निबडने लेई मुखें गी आतंकवाद उप्पर अंतर्राष्ट्रीय कनवेंशन लोआने पर जोर पाया। मिथिली होरें उनें मुखें दी निंदेआ कीती जेह्दे राजनीतिक कारणें लेई आतंकवाद दा पक्ख लैंदे न ते किश ग्रुपें गी स्वतंत्रता सैनानी दे तौरा पर पेश करदे न। उनें आखेआ जे इनें राजनीतिक एजेंडें कारण अंतर्राष्ट्रीय स्तर पर आतंकवाद खलाफ कुल संसारी लड़ाई कमजोर होई ऐ। उनें आतंकवाद गी खत्म करने लेई सब्बै मुखें गी किट्ठे होई लडने दा आह्वान कीता।

<><><><><><><>

## India-Forex

चीन, जापान ते स्विडजरलैंड दे कन्नै भारत 700 अरब अमरीकी डॉलरें दे विदेशी भंडार गी पार करने आली दुनिया दी चौथी अर्थबवस्था बनी गेआ ऐ। 27 सितम्बर गी खत्म होए दे हफते च भारत दा विदेशी मुद्रा भंडार 12.588 बिलियन डॉलर बधियै 704.885 बिलियन डॉलरें दे अजें तगर दे सब्बनें शा उच्चे स्तरै पर पुज्जी गेआ। 20 सितम्बर गी खत्म होए दे हफते च विदेशी मुद्रा भंडार 2.8 बिलियन बधियै 692.3 डॉलर होई गेआ हा। विदेशी मुद्रा भंडार च ते

बाद्धे नै आलमी सतह् दिएं आर्थिक अनिश्चितताएं कन्नै निबड़ने दी भारत दी समर्थ गी मजबूत कीता ऐ ते अस्थिर अंतराष्ट्रीय बजारें दे सामने एह्दी मुद्रा गी मती स्थिरता प्रदान कीती ऐ। अज्ज जारी आरबीआई दे ताजा आंकड़े मूजब भारत दा सुन्ने दा भंडार 2.184 अरब डॉलर बधियै 65.796 अरब डॉलर होई गेआ ऐ।

<><><><><><>

### Chattisgarh-Maoist

छत्तीसगढ़ दे नारायणपुर च कल होए दे इक टाकरे च सुरक्षाबलें 28 मोआवादिएं गी मारी तकाया। एह् टाकरा नारायणपुर जिले दे दक्खनी अबुजमाद इलाके च होआ। मारे गेदे माओवादिएं दियां लोथां बरामद करी लैती गेइयां न। एह्दे अलावा उत्थुआं ए.के.47 रैफलां ते होर बी केई किस्मै दे थेआर ते गोली बरूउ बरामद कीते गे न।

<><><><><><>

### Amit Shah-Drugs

केन्द्री गृहमंत्री अमित शाह होरें आखेआ ऐ जे प्रधानमंत्री नरेन्द्र मोदी हुंदी अगुवाई च पिछले 10एं बरें दरान 5 लक्ख 43 ज्हार 6 सौ किलोग्राम शा मता नशे दा समेयान जब्त कीता गेआ ऐ। एह् गल्ल उनें कल गांधी नगर च इक सार्वजनिक समारोह् दरान आक्खी। शाह होरें एह् बी आखेआ जे केन्द्र सरकार दा मकसद साढ़ी युवा पीढ़ी गी बचाने लेई भारत गी नशा मुक्त बनाना ऐ ते सरकार आस्सेआ इस दिशा च जरूरी जतन कीते जा'रदे न।

<><><><><><>

### Rajnath-Defence

रक्षामंत्री राजनाथ सिंह होरें आखेआ ऐ जे सरकार भारत दे रक्षा उद्योग गी निर्यात आला बनाइयै मुल्खै गी माल तैआर करने आला कुल संसारी गढ़ दे तौरा पर स्थापत करने लेई प्रतिबद्ध ऐ। नमीं दिल्ली च कल एसआईडीएम दी 7मीं सालाना बैठक गी संबोधत करदे होई रक्षा मंत्री होरें 2023-24 च रक्षा उत्पादन 1.27 लक्ख करोड़ तोड़ी पर पुज्जी जाने पर खुशी जाहर कीती। मंत्री होरें एआई साईबर सुरखा ते होरने अध्याधुनिक तकनीकें च निवेश करने दा आह्वान कीता।

<><><><><><><><>

## Cricket

दुबई च लंदी रातीं खेड्डे गेदे महिला टी-20 क्रिकेट विश्वकप 2024 मकाबले च न्यूजीलैंड नै भारत गी 58 रंजें कन्नै हराई दित्ता। पैहले बल्लेबाजी करदे होई न्यूजीलैंड नै 20एं ओवरें च 4 विकटें दे नुकसान च 160 रंज बनाए। लक्ष्य दी पीछा करदे होई भारतीय टीम 19एं ओवरें च 102 रंजें पर आउट होई गई।

<><><><><><><><>

## SBM Akhnoor

भारत सरकार दे "स्वच्छ भारत मिशन" तालमेल बनाइयै भारतीय फौज नै ज्योडियां च इक बड्डे जागरूकता अभियानद । आयोजन कीता तां जे मकामी लोकें गी साफ सफाई, स्वच्छता ते स्थाई कचरे दे प्रबंधत दे महत्व बारे जागरूक कीता जाई सकै। भारतीय फौज आस्सेआ आयोजित कीते गेदे इस कार्यक्रम च मकामी लोकें बधी-चढियै हिस्सा लैता।

<><><><><><><><>

## Swachhta Hi Seva

स्कारी डिग्री कालेज मड दे विद्यार्थिं ते उत्थूं दे अमले नै "स्वभाव स्वच्छता संस्कार स्वच्छता" विशे दे तैहत कालेज दे प्रिंसिपल प्रोफेसर डॉ. राकेश कुमार कौल हुंदे मार्गदर्शन हेठ मत्मा गांधी हुंदी जयंति पर 15 दिनें दा स्वच्छता दी सेवा कार्यक्रम दा आयोजन कीता। 15 दिनें दे इस कार्यक्रम दी शुरुआत जागरूकता रैली दे तोरा पर शुरु होई जेहड़ी जीडीसी मड थमां शुरु होई ते दत्तेयाल पुज्जी जित्थें एनएसएस दे सवयंसेवी समूह दे विद्यार्थिं ते कालेज दे अमले नै हिस्सा लैता। स्वच्छता अभियान दे चलदे विद्यार्थिं अध्यापकें दे कालेज दे प्रिंसिपल होरें सगंध बी लैती। इस अभियान तैहत गलिएं, नैहरें, मैदानें ते कालेज दे आले दुआले दी साफ सफाई कीती गई।

<><><><><><><><>

## Voting Turnout

जम्मू कश्मीर विधानसभा चुनावों के लिए गेड़ च महिला मतदाताएं इक बारी फही पुरुष मतदाताएं गी पिच्छे छोड़ी दित्ता ऐं। मंगलवारें पैहली अक्तूबर गी त्रिए गेड तैहत होए दे मतदान च नतर अशारिया 6-9 फीसद मतदान दर्ज कीता गेआ। चुनावों आयोग आस्सेआ जारी आंकड़े मताबक जम्मू कश्मीर विधानसभा दे त्रिए गेड़ च 70.2 प्रतिशत महिला मतदाताएं अपने वोट पाए ते नतर अशारिया 3-7 प्रतिशत पुरुष मतदाताएं वोट पाने दे अपने अधिकार दा इस्तेमाल कीता। त्रिए गेड़ च सब्बने थमां मता मतदान मढ़ विधानसभा हल्के च दर्ज कीता गेआ जित्थें तकरीबन 81 अशारिया 4-7 फीसद मतदान दर्ज कीता गेआ, एह्दे मगरा छम्ब च 80.34 प्रतिशत मतदान होआ। 40 विधानसभा हल्कें चा सब्बने शा घट्ट मतदान सोपोर निर्वाचन हल्के जेह्दे च 45.32 प्रतिशत मतदान दर्ज कीता गेआ, एह्दे मगरा बारामुला च 53.90 प्रतिशत मतदान दर्ज कीता गेआ ऐं। जम्मू कश्मीर च 18 सितम्बर 2024 गी शुरू होए दे त्रै गेड़ें दे विधानसभा चुनावों पैहली अक्तूबर गी सम्पन्न होए। वोटें दी गिनतरी 8 अक्तूबर 2024 गी होग।

<><><><><><><>

## Nomination MLA

जम्मू कश्मीर च 5 नामांकित विधायक सरकार बनाने च अहम भूमिका नभांगन। 10 बरे दे वक्फे मगरा जम्मू कश्मीर च चुनी गेदी सरकार बनोग। एह् एमएलए कश्मीरी विस्थापिते ते पीओजेके दा प्रतिनिधित्व करगंन। इनेंगी होरने विधायकें आला लेखा गै हक्क हासल होंगन। विधानसभा च नामजद 5 विधायक होंगन। कुल 5 एमएलसी चा 2 कश्मीरी विस्थापित जिन्दे च इक मिहला ते इक पुरुष होग ते इक पीओजेके दी नुमायन्दगी करौग। विधानसभा च हुन कुल 95 विधायक होंगन, जे हुन सरकार बनाने आले 48 यानि 50 फीसद दा आंकड़ा हासल करना जरूरी ऐं। उपराज्यपाल मनोज सिन्हा होर

गृहमंत्रालय दी सलाह पर 5 विधायकें गी नामजद करगंन। जम्मू कश्मीर पुर्नगठन अधिनियम 2019 च 26 जुलाई 2023 च संशोधन करियै एह् प्रावधान आन्नेआ गेआ हा।

<><><><><><>

Congress MLA

कांग्रेस नै बीजेपी दी इस गैं पर सख्त ऐतराज जताया ऐ जे जम्मू कश्मीर च सरकार बनाने दी प्रक्रिया थमां पैहले उपराज्यपाल हुंदे आस्सेआ 5एं एमएलए गी विधानसभा च नामजद कीता जाग। कांग्रेस नै इस चाल्ली दे कुसै बी गैंह गी गैर लोकतांत्रिक ते लोकें दे जनादेश दे खलाफ आखेआ ऐ। उनें आखेआ ऐ जे उपराज्यपाल होरें गी इस चाल्ली दी कोई बी गैं नेई पुट्टनी लोडचदी। इस सरबंधै च मीडिया दी रिपोर्ट उप्पर सख्त नुक्ताचीनी करदे होई जेकेपीसीसी नै इस चाल्ली दी कारवाई गी गैर लोकतांत्रिक करार दित्ता ऐ। जेकेपीसीसी नै वरिष्ठ उप-अध्यक्ष ते मुख्ख प्रवक्ता रविन्दर शर्मा होरें आखेआ ऐ जे विधानसभाप च 5एं भिंबरें गी नामांकित करने दा अधिकार उस पार्टी गी होना लोडचदा जेह्डी नमीं सरकार बनियै सामने आवै।